



— CARLO MARCHISIO —

# OTELLO

Operetta - Ballo - Parodia

IN UN ATTO

MUSICA DEL MAESTRO

*Vittorio Morra*

CREMA, 20 SETT. 1888

Tip. Economica G. Anselmi.

**- BRINDISI -**

Viva 'l vin ! Viva 'l Chianti  
Dal color biricchin !  
Che i sagrin — tuti quanti  
Fa volè. Viva 'l vin !

**-( Cansson d' Otello )-**

Chi l' ha 'd cassarole  
Da fe rangiè ? !  
Ramine e peile  
Da stagninè !

**-( Intrada e Romanza d' Otello )-**

*Otello* = Ramine e peile da stagninè ! ?

*Cassio* = Vni sì ! V' girlo la bocia ? !

*Otello* = Ramine e peile ! Ramine e peile !

*Coro* = Ramine e peile da stagninè !

*Cassio* = Chi seve ? Cosa veull ?

Sì, cosa veni a fè ?

*Coro* = Ramine e peile da stagninè !

*Otello* = Am ciamo Otello.

*Cassio* = 'L moro d' Venessia ?

*Otello* = Chiel a facessia :

Son Valdôstan.

Fieul d' na vachera ignobile

Ch'a viv a pan d' mei,  
Magnin, fin da la nascita,  
Rabasto i giorni miei.  
Stagn, saldador, prasinà,  
Rosin, Gioana o Catlina,  
Na peila o na ramina,  
Vivo stupand d' pertus.

**-( Cansson dla Marmota per  
Desdemona )-**

Senssa pan, la montagna,  
Ne sbèrgiaira an sità,  
Dova 'l pan as guadagnà  
An magior quantitá.  
Però dis il Prevost, per nostra dota  
Bsogna portè con noi nostra marmota.  
E trilla, trilla, trilla la la la  
Trillalala, trillalala  
E trilla, trilla, trilla la la la  
Trilarilala !  
Se l' àmor an guadagna  
Lon ch'a iè si stermà  
Noi scapōma an montagna  
Da le grandi sità  
Scotand sempre 'l Prevost - pèr nostra dota  
Bsogna portè con noi nostra marmota.

—>0<—

**-( Aria del fassolet )-**

L'è pa 'l valor,  
Ch'am fa cerchè,  
Ma l'è perchè  
L'è 'n pegn d'amor.  
L'hai n'om gelos :  
Bel, ma furios  
Ch'a pica giù — Zichin, Zichet !  
Sgnore..... Monsù — Me fassolet ! Me fassolet !  
.....  
Son bin piantá,  
Al me pais  
Da tuti as dis  
Son bin mariá  
L'hai n'om gelos :  
Bel, ma furios  
Ch'a pica giù — Zichin, Zichet !  
Sgnore..... Monsù — Me fassolet ! Me fassolet !  
.....  
Sgnore, i dirai,  
S'am robo a mi  
Per ambotl,  
I sōma a guai !  
L'hai n'om gelos :  
Bel, ma furios  
Ch'a picá giù — Zichin, Zichet !  
Sgnore..... Monsù — Me fassolet ! Me fassolet !

—>0<—

**-( Disperassion d'Otello )-**

Tradi ! Adiù memorie !

• Ciabot, castagne brusatà ;

Adiù, mie tranquile storie

D' invern tornand a ca !

Adiù, ramine peile,

Cuverce stagninà !

• • • Otello e sue glorie, ruvinà !

• • • Come savata frusta abandonà !

**-( Duet Otello e Desdemona )-**

**OTELLO**

**DESDEMONA**

*— a due —*

E mi borich d' un aso ,

Mi bestia d' un magnin,

T' voria tanto bin !

T' ,cherdia a mi fedel !

Prega, angenoite li

Che ti 'd devi muri !

Ma cred, l' è nen 'l caso

D' esagerè i sagrin.

T' veni sempre tanta bin !

Son sempre a ti fedel !

Tlo giuro bele si

E devo nen muri !

**-( Duet e Coro final )-**

**OTELLO E DESDEMONA.**

Sgnori, l' amor l' è na cosa

Ch' a dà d' gioie a dà d' dolor

Ma 'l cheur gelos l' ha nen posa

Senssa l' angel d' so amor.

**-( C O R O )-**

Bsogna balè e basesse,

Ai dolor pensomie nen !

Piora chi veul sagrinesse !

Pioma 'l mond còma ch' a ven.

***F I N E.***

( 0 0 0 )

Stampa e Litografia  
di Roma  
Via del Corso 100  
Tel. 06/47801

